



## GRAD TUZLA

Na osnovu tačke VII Pravilnika o utvrđivanju uslova, kriterija i postupka dodjele nepovratnih sredstava za novčanu podršku privrednim subjektima na području grada Tuzla („Službeni glasnik Grada Tuzla“, broj: 3/17), Služba za ekonomski razvoj i društvene djelatnosti Grada Tuzla, dana 15.05.2017.godine, objavljuje:

### **JAVNI POZIV za učešće u Programu raspodjele sredstava iz Budžeta Grada Tuzla namjenjenih za podršku razvoja poduzetništva na području grada Tuzla za 2017. godinu Program: “Zapošljavanje i nova radna mjesta”**

#### **I - Predmet Javnog poziva**

Javnim pozivom prikupljaju se aplikacije (prijave) poslodavaca (fizičkih i pravnih osoba) koji otvaraju nova radna mjesta i zapošljavaju, odnosno stručno osposobljavaju za rad osobe na području grada Tuzla u 2017. godini.

#### **II – Iznos novčane podrške**

Ukupan iznos sredstava predviđen za ovaj Program je **250.000,00 KM** (dvijestotinepedeset hiljada KM), a iznos novčane podrške po jednom zaposlenom radniku je **2.000,00 KM** (dvije hiljade KM). Podrška je usmjerena na sufinansiranje uplata doprinosa za PiO i zdravstveno osiguranje, dok plaću za zaposlenika obezbjeđuje poslodavac. Obaveza poslodavca je da osobu za koju je dobio novčanu podršku primi u radni odnos po osnovu ugovora o radu sa rokom zapošljavanja najmanje 6 (šest) mjeseci uz obavezu zadržavanja još najmanje 3 (tri) mjeseca nakon isteka podrške.

Po ovom Programu planirano je novčano podržati zapošljavanje 125 osoba.

Osoba koja se zapošljava mora se voditi na evidenciji nezaposlenih kod Javne ustanove Služba za zapošljavanje TK, Biro za zapošljavanje Tuzla. U ovu kategoriju spadaju i osobe koje su zaposlene u 2017. godini, a bile su na evidenciji nezaposlenih kod JU Služba za zapošljavanje TK, Biro za zapošljavanje Tuzla.

Broj zaposlenih za koje se može dati novčana podrška zavisi od ukupnog broja zaposlenih, tako da:

- poslodavci koji imaju do 3 zaposlena mogu ostvariti novčanu podršku za jednu osobu koju zapošljavaju u 2017. godini,
- poslodavci koji imaju od 3 do 5 zaposlenih mogu ostvariti novčanu podršku za dvije osobe koje zapošljavaju u 2017. godini,

- poslodavci koji imaju od 5 do 10 zaposlenih mogu ostvariti novčanu podršku za tri osobe koju zapošljavaju u 2017. godini,
- poslodavci koji imaju više od 10 zaposlenih mogu ostvariti novčanu podršku za pet osoba koje zapošljavaju u 2017. godini.

### **III - Pravo učešća**

Pravo za učešće u ovom Programu mogu ostvariti poslovni subjekti (fizička i pravna lica) koji ispunjavaju sljedeće uslove:

- da imaju registrovanu poslovnu djelatnost na području grada Tuzla,
- da nezaposlenu osobu s evidencije Biroa za zapošljavanje Tuzla ima namjeru zaposliti po osnovu ugovora o radu na neodređeno vrijeme ili na određeno vrijeme sa rokom zapošljavanja, najmanje na devet mjeseci, ili je to u ovoj godini već učinio.
- da redovno izmiruje obaveze po osnovu javnih prihoda.

### **IV- U ovom javnom pozivu ne mogu učestvovati**

Aplikanti će biti isključeni iz učešća u pozivu ili iz dodjeljivanja sredstava novčane podrške, ako su u trenutku raspisivanja javnog poziva:

- (a) krivi za davanje lažnih informacija ovlaštenoj strani za ugovore, koje su potrebne kao preduslov za učestvovanje u pozivu za novčanu podršku ili ako nisu dostavili potrebne informacije;
- (b) pokušali doći do povjerljivih informacija u vezi sa korištenjem novčane podrške, uticali na komisiju za provođenje postupka dodjele, ili ovlaštenu stranu za ugovore u toku postupka.
- (c) ukoliko su u posljednja 3 mjeseca od raspisivanja javnog poziva otpuštali radnike izuzev u slučaju smrti radnika, odlaska u penziju radnika ili sporazumnog raskida radnog odnosa.

**Za dodjelu novčane podrške ne mogu aplicirati javne ustanove i javna preduzeća.**

### **V - Način prijavljivanja**

Prijave na Javni poziv podnose se na prijavnim obrascu kojeg je propisala Služba za ekonomski razvoj i društvene djelatnosti Grada Tuzla.

Prijavni obrazac sa izjavom može se preuzeti na web stranici Grada Tuzla ([www.tuzla.ba](http://www.tuzla.ba)), ili u Centru za pružanje usluga građanima (šalter sala Grada Tuzla).

Uz popunjen prijavni obrazac, aplikant je obavezan da dostavi i sljedeće dokumente:

1. dokaz o registraciji privrednog društva ili samostalne djelatnosti (kopija);
2. obavijest o razvrstavanju prema djelatnosti izdata od Zavoda za statistiku (kopija);
3. broj računa u poslovnoj banci na koji će sredstva biti uplaćena;
4. karton deponovanih potpisa osoba ovlaštenih za zastupanje (kopija);

5. uvjerenje o izmirenim obavezama po osnovu javnih prihoda, ne starije od tri mjeseca (original ili ovjerena kopija);
6. uvjerenje o broju zaposlenih osoba, ne starije od 30 dana;
7. spisak osoba koje namjerava zaposliti, sa uvjerenjem da se vode na evidenciji nezaposlenih kod JU Služba za zapošljavanje TK, Biro za zapošljavanje Tuzla;
8. Izjava ovjerena u Centru za pružanje usluga građanima (šalter sala Grada Tuzla), ili kod notara. (Obrazac Izjave je sastavni dio Prijavnog obrasca).

## **VI – Provjera aplikacija (prijava)**

Kvalificiranost aplikacije provjerava Komisija, te sačinjava listu korisnika novčane podrške koji ispunjavaju uslove za novčanu podršku i sačinjava Prijedlog Odluke o odabiru.

Detaljni uslovi korištenja sredstava na ime dodijeljene novčane podrške regulisat će se ugovorom između Grada Tuzla i odabranih korisnika.

## **VII – Trajanje javnog poziva i podnošenje aplikacija (prijava)**

**Javni poziv je otvoren do utroška sredstava.**

Prijave na Javni poziv sa pratećom dokumentacijom dostavljaju se u zatvorenoj kovrti putem Centra za pružanje usluga građanima (protokol Grada Tuzla) ili preporučeno poštom na adresu:

### **GRAD TUZLA**

**Služba za ekonomski razvoj i društvene djelatnosti  
Ul. ZAVNOBIH-a broj 11, 75000 Tuzla, Bosna i Hercegovina**

sa naznakom:

**Prijava za učešće u Programu raspodjele sredstava iz Budžeta Grada Tuzla namjenjenih  
za podršku razvoja poduzetništva na području grada Tuzla za 2017. godinu  
Program: “Zapošljavanje i nova radna mjesta” – ne otvarati!**

Sve dodatne informacije o načinu i postupku učešća u Javnom pozivu, mogu se dobiti u Službi za ekonomski razvoj i društvene djelatnosti Grada Tuzla, direktno ili putem telefona: 035/307-380.